

Zbirka medijskih objava

VladaBrckoDistrikta_kliping_dnevno,
za razdoblje 9. 12. 2019

Broj objava: 24

Internet: 12

Televizija: 1

Štampa: 11

Teme praćenja:

Vlada Brčko Distrikta: 4

Gradonačelnik Brčko: 5

Skupština Brčko Distrikta: 1

Brčko: 14

Vlada Brčko Distrikta:

Internet	Naslov	Brčko: Za isplatu podsticaja nedostaje 400 hiljada KM		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 6. 12. 2019		
Stranica u zbirci: 7	Autor	Unknown		
	Teme	Vlada Brčko Distrikta		

Internet	Naslov	Brčko: Nakon šest optužnica optužen još jedan referent za katastar i njihov nadređeni		
Serijski br. 2	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 6. 12. 2019		
Stranica u zbirci: 9	Autor	Unknown		
	Teme	Vlada Brčko Distrikta		

Internet	Naslov	Zvanično otvorena balon sala na Ilički		
Serijski br. 3	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 6. 12. 2019		
Stranica u zbirci: 13	Autor	Unknown		
	Teme	Vlada Brčko Distrikta		

Internet	Naslov	Brčko: Pravo na podsticaj izgubilo 69 firmi		
Serijski br. 4	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 7. 12. 2019		
Stranica u zbirci: 15	Autor	Unknown		
	Teme	Vlada Brčko Distrikta		

Gradonačelnik Brčko Distrikta:

Internet	Naslov	Brčko: SDS pozvao Milića da riješi problem advokata ili da podnese ostavku		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 6. 12. 2019		
Stranica u zbirci: 16	Autor	Unknown		
	Teme	Gradonačelnik Brčko Distrikta		

Internet	Naslov	Milić: SDS da prestane da zavađa Srbe		
Serijski br. 2	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 6. 12. 2019		
Stranica u zbirci: 18	Autor	Unknown		
	Teme	Gradonačelnik Brčko Distrikta		

Internet	Naslov	Štrajk advokata u Brčkom: Rješenja nema, građani trpe		
Serijski br. 3	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 7. 12. 2019		
Stranica u zbirci: 20	Autor	Unknown		
	Teme	Gradonačelnik Brčko Distrikta		

Internet	Naslov	Brčaci traže maksimalnu kaznu za ubice Zejčirovića		
Serijski br. 4	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 8. 12. 2019		
Stranica u zbirci: 22	Autor	Unknown		
	Teme	Gradonačelnik Brčko Distrikta		

Internet	Naslov	Brčko: Pohvale policiji zbog brzog pronalaska osumnjičenih za ubistvo		
Serijski br. 5	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 8. 12. 2019		
Stranica u zbirci: 24	Autor	Unknown		
	Teme	Gradonačelnik Brčko Distrikta		

Skupština Brčko Distrikta:

Internet	Naslov	„Ženski razgovori“ u Brčkom		
Serijski br. 1	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 8. 12. 2019		
Stranica u zbirci: 26	Autor	Unknown		
	Teme	Skupština Brčko Distrikta		

Brčko:

Televizija	Naslov	Uhapšen četvrti osumnjičeni		
Serijski br. 1	Medij; Doseg	Radio televizija BN; , Bosna i Hercegovina	19:30	Trajanje: 1 min
	Rubrika, Datum	Dnevnik; 8. 12. 2019		
Stranica u zbirci: 27	Autor	Unknown		
	Teme	Brčko		

Štampa	Naslov	Klanjana dženaza zvijerski ubijenom Edinu		
Serijski br. 2	Medij; Doseg	Dnevni avaz; 50.000, Bosna i Hercegovina	Stranica: 16	Površina: 251 cm ²
	Rubrika, Datum	Crna hronika; 9. 12. 2019		
Stranica u zbirci: 28	Autor	Sk. E.		
	Teme	Brčko		

Internet	Naslov	Riječ stručnjaka: U BiH najveću stopu poreskog klina ima entitet FBiH		
Serijski br. 3	Medij; Doseg	Klix.ba; 610, Bosna i Hercegovina		
	Rubrika, Datum	Ostalo; 9. 12. 2019		
Stranica u zbirci: 30	Autor	E. R. M.		
	Teme	Brčko		

Internet	Naslov	Akcija SIPA-e i policije RS-a: U Odžaku uhapšen državljani Holandije zbog trgovine drogom		
Serijski br. 4	Medij; Doseg	Klix.ba; 610, Bosna i Hercegovina		
	Rubrika, Datum	Ostalo; 9. 12. 2019		
Stranica u zbirci: 31	Autor	N. N.		
	Teme	Brčko		

Štampa	Naslov	BIMAL kupio fabriku jestivog ulja NOVO SUNCE u Somboru		
Serijski br. 5	Medij; Doseg	Business Magazin; , Bosna i Hercegovina	Stranica: 8	Površina: 130 cm ²
	Rubrika, Datum	Ostalo; 9. 12. 2019		
Stranica u zbirci: 32	Autor	Unknown		
	Teme	Brčko		

Štampa	Naslov	Zakon o notarima posvađao notare i advokate		
Serijski br. 6	Medij; Doseg	Business Magazin; , Bosna i Hercegovina	Stranica: 30	Površina: 1.767 cm ²
	Rubrika, Datum	Ostalo; 9. 12. 2019		
Stranica u zbirci: 37	Autor	Unknown		
	Teme	Brčko		

Štampa	Naslov	Telefonima snimali kako muče i ubijaju mladića		
Serijski br. 7	Medij; Doseg	Euro Blic; , Bosna i Hercegovina	Stranica: 10	Površina: 97 cm ²
	Rubrika, Datum	Hronika; 9. 12. 2019		
Stranica u zbirci: 38	Autor	G. O.		
	Teme	Brčko		

Štampa	Naslov	Долијао осумњичени за убиство		
Serijski br. 8	Medij; Doseg	Glas Srpske; , Bosna i Hercegovina	Stranica: 10	Površina: 22 cm ²
	Rubrika, Datum	Hronika; 9. 12. 2019		
Stranica u zbirci: 39	Autor	J. S.		
	Teme	Brčko		

Štampa	Naslov	FOTO VIJEST		
Serijski br. 9	Medij; Doseg	Nezavisne novine; , Bosna i Hercegovina	Stranica: 2	Površina: 39 cm ²
	Rubrika, Datum	Događaji; 9. 12. 2019		
Stranica u zbirci: 40	Autor	Unknown		
	Teme	Brčko		

Štampa	Naslov	Traže maksimalnu kaznu za ubice		
Serijski br. 10	Medij; Doseg	Nezavisne novine; , Bosna i Hercegovina	Stranica: 2	Površina: 52 cm ²
	Rubrika, Datum	Događaji; 9. 12. 2019		
Stranica u zbirci: 41	Autor	Srna		
	Teme	Brčko		

Štampa	Naslov	S nožem u ruci prijetio radnici marketa		
Serijski br. 11	Medij; Doseg	Oslobođenje; , Bosna i Hercegovina	Stranica: 17	Površina: 173 cm ²
	Rubrika, Datum	Crna hronika; 9. 12. 2019		
Stranica u zbirci: 42	Autor	A.B.Č.		
	Teme	Brčko		

Štampa	Naslov	Uhapšen i Šabanović		
Serijski br. 12	Medij; Doseg	Oslobođenje; , Bosna i Hercegovina	Stranica: 17	Površina: 88 cm ²
	Rubrika, Datum	Crna hronika; 9. 12. 2019		
Stranica u zbirci: 43	Autor	Unknown		
	Teme	Brčko		

Štampa	Naslov	U BiH jedemo jaja, meso, mlijeko... od životinja kojima je davana GMO hrana		
Serijski br. 13	Medij; Doseg	Večernji list; , Bosna i Hercegovina	Stranica: 9	Površina: 470 cm ²
	Rubrika, Datum	Aktualno; 9. 12. 2019		
Stranica u zbirci: 45	Autor	Vidačak Ljiljana		
	Teme	Brčko		

Štampa	Naslov	Uhićen i četvrti osumnjičeni za ubojstvo Edina Zejčirovića		
Serijski br. 14	Medij; Doseg	Večernji list; , Bosna i Hercegovina	Stranica: 15	Površina: 469 cm ²
	Rubrika, Datum	Crna kronika; 9. 12. 2019		
Stranica u zbirci: 46	Autor	Ljiljana Vidaček		
	Teme	Brčko		

Brčko: SDS pozvao Milića da riješi problem advokata ili da podnese ostavku

petak, 06 decembar 2019 16:49

Autor eBrcko

Kategorija: Vijesti Brčko



Opštinski odbor Srpske demokratske stranke Brčko zahtjeva od gradonačelnika Siniše Milića da sa svojim koalicionim partnerima iz vlasti hitno nađe način za rješavanje pitanje blokade pravosuđa u Distriktu.

Neprihvatljivo je da gradonačelnik koji je predlagač spornog zakona, a naknadno i predlagač njegovih izmjena, javno tvrdi da više neće pokretati inicijative za rješavanje ovog problema.

Nefunkcionisanje pravosuđa ima duboke posledice na živote građana Brčko distrikta i ukoliko nije sposoban da riješi ovaj kao i brojne druge nagomilane probleme do kojih je dovela nesposobna vlast u Distriktu, bilo bi normalno da podnese ostavku na funkciju gradonačelnika.

Brčko: Za isplatu podsticaja nedostaje 400 hiljada KM

petak, 06 decembar 2019 19:03

Autor **Radio Brcko**

Kategorija: Vijesti **Brčko**



Odjeljenje za Poljoprivredu brčanske Vlade, nedavno usvojenim rebalansom budžeta Distrikta, dobilo je 1.400.000. maraka dodatnih sredstava za isplatu podsticaja poljoprivrednicima. Ta sredstva nisu dovoljna da bi se isplatio prvi dio iznosa od 80 procenata ukupnih podsticaja.

„Matematički gledano u ovom trenutku će za isplatu podsticaja za oko 1.900 poljoprivrednika, koji po raznim osnovama imaju pravo na ove subvencije, nedostajati oko 400.000 maraka“, rekao je šef resornog Odjeljenja Zoran Gajić.

No ono što je sigurno, a potvrdio je to i gradonačelnik Siniša Milić, novim budžetom biće osigurana potrebna sredstva, kako bi poljoprivrednicima podsticaji bili isplaćeni u punom iznosu.

Milić: SDS da prestane da zavađa Srbe

petak, 06 decembar 2019 20:06

Autor SRNA

Kategorija: Vijesti **Brčko**



Gradonačelnik Brčkog Siniša Milić rekao je Srni da mu ne pada na pamet da podnese ostavku, na šta ga poziva SDS ukoliko odmah ne riješi problem štrajka advokata, te apelovao na tu stranku da prestane da zavađa srpski narod radi prikupljanja jeftinih političkih poena.

"Ostavka se obično podnosi boljem, a ne na poziv onih koji su kao poslanici uzeli na ime paušala, pojedinačno, više od 300.000 KM, koji su kao poslanici godišnje redovno krčmili svoja dva, tri miliona KM punih 10 godina, koji redovno uz poslanički paušal, 'veoma moralno' obavljaju još jedan ili dva budžetska posla. Takvima se ostavka ne podnosi", poručio je Milić.

Milić je pozvao poslanike SDS-a da podnesu ostavke na svoje poslaničke funkcije, jer im je propao pokušaj onemogućavanja djelovanja Advokatske komore Republike Srpske u **Brčkom**.

On je napomenuo da je svima poznato da je upravo Poslanički klub SDS-a bio inicijator ideje o uvođenju advokata u fiskalizaciju, a ne gradonačelnik i **Vlada distrikta**, po čijem prijedlogu zakona su i advokati i veleprodaja bili van sistema fiskalizacije, te da o tome postoji evidencija u Stručnoj službi Skupštine.

"Na sličan, licemjerman način, poslanički klub ove stranke postupio je i kod glasanja o zaključku o odvozu smeća iz naselja Ilićka, a što je kao rješenje višegodišnjeg problema inicirao upravo **gradonačelnik Brčkog**. Bili su jedini Srbi u Skupštini distrikta koji su glasali protiv takvog rješenja, a za ostajanje gradske,

nesanitarne deponije na Ilićki, o čemu, takođe, postoji video-zapis u Skupštini", rekao je Milić.

Milić smatra da je krajnje vrijeme da poslanici SDS-a u **Brčkom** i inspiratori takve politike podnesu ostavke i prestanu kaljati časno ime SDS-a, stranke koja je postojala i vodila srpsku politiku, sve dok je nisu okupirali oni koji su lične i porodične interese stavili daleko ispred opštih.

"O tome sam, takođe, u svakom trenutku, spreman da razgovaram, i to veoma javno, otvoreno i veoma detaljno. Do tada, zamolio bih brčanski SDS da prestane zavađati srpski narod, radi jeftinih političkih poena", istakao je Milić.

Brčko: Nakon šest optužnica optužen još jedan referent za katastar i njihov nadređeni

Petak, 06/12/2019 16:50



Tužilaštvo BDBiH (Foto: Arhiva)

Nakon što je podiglo optužnice protiv šestoro geodeta brčanskog katastra tužilaštvo u ovom gradu optužilo je još dva službenika Odjela za javni registar **Vlade Distrikta** za krivična djela zloupotrebe položaja ili ovlaštenja, D.I. i R.N.. Zbog sumnje da je, kao i svih šestoro ranije optuženih, naplaćivanjem manjih katastarskih naknada od propisanih zloupotrijebila ovlaštenja, Tužilaštvo **Brčko** distrikta BiH podiglo je optužnicu protiv referentice za katastar D.I. Optužnica je podignuta i protiv njihovog nadređenog R.N., zbog sumnje da je položaj zloupotrijebio propuštanjem nadzora nad njihovim postupcima, kojima je lokalnom budžetu pričinjena šteta u iznosu od preko 7 000,00 KM.

Podsjetimo, početkom prošlog mjeseca šest službenika ovog odjela optuženo je da su pogodujući strankama usluge katastra naplaćivali ispod važećih tarifa pribavljajući im tako imovinsku korist na štetu budžeta **Brčko** distrikta BiH. Tužilaštvo Distrikta tada je podiglo odvojene optužnice protiv M.Č., Ž.J., V.M., E.Z., I.T. i Š.J., kojima ih tereti za zloupotrebe u službi tokom 2013. i 2014. godine. Oni su, kao i D.I., optuženi da nisu postupali u skladu s dužnostima da vode računa o plaćanju naknada za izvršene

geodetske usluge, te da su tako građanima, preduzećima i drugim pravnim licima pribavili imovinsku korist u iznosima od stotinu do 2 612,00 KM.

Optužnice protiv službenika Odjela za javni registar podignute su za krivično djelo zloupotrebe položaja ili ovlaštenja (iz člana 377 stav (1) Krivičnog zakona **Brčko** distrikta BiH) za koje je zapriječena kazna zatvora u trajanju od šest mjeseci do pet godina. Nakon prosljeđivanja Osnovnom sudu Distrikta optužnice protiv njih u cjelosti su potvrđene, a petero optuženih, uključujući i D.I., priznalo je krivicu. Oni su nakon toga, uz potpuno namirenje štete **Brčko** distriktu, osuđeni za krivična djela koja su im stavljena na teret.

*Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

Zvanično otvorena balon sala na Ilićki



Šef Odjela za stručne i administrativne poslove **Vlade Brčko Distrikta** Srđan Blažić danas je i zvanično otvorio balon salu Udruženja “Omladinski pogon Ilićka” koja se nalazi kod glavnog stadiona u ovom naselju.



Balon sala na Ilićki, inače prva takve vrste u **Brčko** Distriktu, urađena je po najsavremenijim standardima. U prvoj fazi namijenjena je djeci uzrasta od pet godina, pa naviše, sportskog je tipa, trenutno u njoj vježbaju „mali“ fudbaleri, a pogodna je i za druge vrste sportova.



Za ove namjene **Vlada Brčko Distrikta** izdvojila je 100.000 KM, a Blažić je obećao i dalju podršku, s obzirom da je ova balon sala namijenjena djeci i omladini cijelog Distrikta.

Vedran Jovičić, član Upravnog odbora Omladinskog pogona Ilička, zahvalio je Vladi na finansijskoj pomoći, ali i donatorima iz **Brčkog** bez čije bi pomoći ova balon sala koštala barem dva puta više. On je naveo da se uz pomoć članova UO Omladinskog pogona Ilička, roditelja i djece, došlo na ideju da se na ovaj način djeca sklone sa ulice u zimskom periodu, uz bavljenje sportom.



Kapacitet sale je preko 1.000 metara kvadratnih, a djeca treniraju po godištima uz pomoć trenera FK „Ilička 01“.

Projekat balon sale u naselju Ilička humanitarnog je karaktera, a sem Vlade i donatora, pomoć u izgradnji u protekle dvije godine pružilo je i dosta volontera iz nevladinih organizacija u **Brčko** Distriktu.

Brčko: Pravo na podsticaj izgubilo 69 firmi

subota, 07 decembar 2019 08:30

Autor **SrpskaInfo**

Kategorija: Vijesti **Brčko**



Odeljenje za privredni razvoj sport i kulturu podnelo je **Vladi Brčko distrikta** ovogodišnji izveštaj o ispunjavanju uslova za korišćenje novca koji se izdvaja za podsticaj u privredi, prema kome će zbog neizvršavanja utvrđenih obaveza za 69 firmi biti ukinuta rešenja o odobranju podsticaja.

Pero Gudeljević, šef Odeljenja za privredni razvoj rekao je nakon sednice na kojoj je razmatran ovaj izveštaj, da je kontrola koja se provodi jednom godišnje obaveza koja proizilazi iz Zakona o podsticajima i da je obuhvatila 1.305 preduzeća i preduzetnika.

- Od nadležnih institucija dobili smo odgovor da neka od preduzeća ne ispunjavaju uslove za korišćenje podsticajnih sredstava i dali smo im rok da ih ispune kako ne bi došlo do ukidanja rešenja. Nakon tog roka bili smo prinuđeni da za 69 preduzeća ukinemo rešenja o podsticaju- rekao je Gudeljević.

Pojasnio je da će u odeljenju analizirati kojim preduzećima sa ove liste je u ovoj godini isplaćen podsticaj i da će izveštaj podneti Pravobranilaštvu **Brčko** distrikta.

- Tražićemo od Pravobranilaštva da se u skladu sa Zakonom traži povrat tih sredstava, ali će to biti teško jer će se morati voditi računa o tome do kada su imali rešenja o podsticajima - rekao je Gudeljević. On je pozvao preduzeća i poslodavce da uredno izmiruju svoje obaveze i podsetio da je Zakon o podsticajima donesen kako bi se stimulisali privredni subjekti koji uredno izvršavaju svoje obaveze prema Distriktu.

- Različita su dugovanja ovih privrednih subjekata. Neki nisu uplatili račune za vodu i struju zbog čega ne mogu dobiti subvenciju na koju imaju pravo. Neki ne plaćaju poreske obaveze prema Distriktu ili doprinose za zdravstveno osiguranje zaposlenih, a u nekim firmama su inspekcije pronašle radnike koji su radili na crno - istakao je Gudeljević.

Broj preduzeća koja ove godine nisu ispunila svoje obaveze zbog kojih će izgubiti pravo na podsticaj nešto je veći nego ranijih godina ali je još uvek u granicama.

- To je oko tri do četiri odsto od ukupnog broja preduzeća za koje dajemo podsticaje. Teško je očekivati da svi sto odsto izvršavaju svoje obaveze i verovatno svi imaju svoje razloge zbog kojih to nisu mogli uraditi - istakao je Gudeljević.

Milioni za investicije

U skladu sa Zakonom o podsticajima **Brčko** distrikto ove godine je iz budžeta Distrikta za ovu namenu izdvojeno 7.000.000 KM. Najveći deo ovog novca namenjen je novim investicijama preduzeća **Brčko** distrikta, subvencionisanju kamata i novom zapošljavanju.

Štrajk advokata u **Brčkom**: Rješenja nema, građani trpe

subota, 07 decembar 2019 11:52

Autor **fokus**

Kategorija: Vijesti **Brčko**



Dok traje njihova borba s vlastima BDBiH, za što imaju podršku entitetskih advokatskih komora, rad brčanskih pravosudnih institucija je otežan

U **Brčko** distriktu Bosne i Hercegovine već nekoliko mjeseci traje štrajk advokata, koji se ne slažu s uvrštavanjem advokatske djelatnosti u sistem fiskalizacije u ovoj lokalnoj zajednici.

Dok traje njihova borba s vlastima BDBiH, za što imaju podršku entitetskih advokatskih komora, rad brčanskih pravosudnih institucija je otežan, piše Anadolu Agency (AA).

Član Protestnog odbora Mirko Simić u razgovoru za AA je kazao da je Zakon o fiskalnim sistemima BDBiH, s izmjenama i dopunama u oktobru prošle godine, usvojen nestatutarno i suprotno Poslovniku o radu Skupštine ove lokalne zajednice.

“Nije problem u evidentiranju poreza, svi advokati su poreski obveznici i svi redovno godišnje podnose poreske prijave, nego je problem u samostalnosti, nezavisnosti i kontroli advokatske djelatnosti”, objasnio je on, dodavši da je međunarodnim aktima i Ustavom BiH regulirano da advokati moraju biti samostalni i nezavisni te da država ne daje advokatima dozvolu za rad, nego to rade advokatske komore.

Gradonačelnik BDBiH Siniša Milić ne vidi nijedan pravno-politički razlog da advokati budu u sistemu

fiskalizacije na prostoru ove lokalne zajednice te je naveo da većina zemalja ne prepoznaje takav način fiskalizacije advokatske djelatnosti, ali predsjednik Skupštine BDBiH Esed Kadrić ima suprotan stav.

“Ono što je opasno po Brčko distrikt je što advokatske komore iz entiteta nalažu advokatima u Brčkom da štrajkuju, odnosno da ne rade i time blokiraju rad pravosudne institucije Distrikta i za mene predstavlja sada veći problem primjena propisa iz entiteta na područje Distrikta Brčko, što predstavlja kršenje naloga supervizora i statutarne nadležnosti Distrikta Brčko, obzirom da je advokatura nadležnost Distrikta”, naveo je on za AA, dodavši da je nužno formirati advokatsku komoru u Brčkom.

Naglasio je da se Zakon mora primjenjivati te da očekuje od Porezne uprave BDBiH da u tom smislu preduzima mjere za sve one koji ne poštuju Zakon o fiskalnim sistemima.


Portparol Pravosudne komisije BDBiH Dejan Đurović naveo je da se odgađaju sva ročišta u kojima advokati postupaju te da je u pitanju oko 1.200 predmeta.

“Ono što je trenutno najveća posljedica da su građani ti koji ne mogu ostvariti svoja prava. Dakle, u svim predmetima u kojima ih zastupaju advokati, oni u suštini ne ostvaruju svoja prava i ne mogu da izađu pred sud”, kazao je on za AA.

Do sada je izneseno više prijedloga o rješavanju ovog problema. Advokati su tražili izuzeće svoje djelatnosti iz sistema fiskalizacije, zatim se na Skupštini našao prijedlog o odgađanju fiskalizacije za advokatsku djelatnost od godinu dana, kako bi se u međuvremenu našlo najbolje rješenje, ali ništa od toga nije prihvaćeno.

“Osnovno pitanje je kako oporezovati advokate? Mi smo rekli da ne bježimo do kontrole i evidencije prihoda. Prijedlog je bio da se izdaju paragon blokovi ili paušalno oporezivanje. Svi poštujemo zakone i čini mi se da smo mi diskriminirani u odnosu na sve advokate u BiH”, istakao je advokat Simić, koji je najavio štrajk za 10-ak dana na nivou BiH.

Uhapšen četvrti osumnjičeni



Brčaci traže maksimalnu kaznu za ubice Zejčirovića



Grupa građana okupila se danas u naselju brčanskom naselju Ilićka tražeći od pravosuđa distrikta maksimalnu kaznu za ubice Edina Zejčirovića iz Čelića.

Jedan od organizatora skupa Hariz Redžić rekao je novinarima da mu je Zejčirović bio prijatelj i da želi da se pravda istjera na vidjelo, a počiniči ubistva najstrožije kazne.

“Šokiran sam onim što se desilo Edinu. Imam troje djece, stavljam se u položaj njegovih roditelja. Strašno je to što mu se desilo. Pratićemo proces suđenja”, rekao je Redžić.

On je putem društvene mreže Fejsbuk pozvao građane na današnje mirno okupljanje.

Sa poligona na Ilićki, gdje su se mirno okupili, građani su otišli na saharanu Zejčiroviću koja će biti obavljena danas u 12.00 časova u selu Ratkovići kod Čelića.

Ranije je objavljeno da je tijelo tridesetogodišnjeg Edina Zejčirovića pronađeno na lokalitetu Vučilovac dvadeset dana nakon što je prijavljen njegov nestanak.

Trojica muškaraca, osumnjičenih za otmicu i svirepo ubistvo, uhapšena su i njima je određen jednomjesečni pritvor.

Pritvor je određen za Suana Halilovića /40/, Nihada Hukića /26/ i Suvada Djedovića /22/. Intenzivno se traga za Samidom Šabanovićem koji je, navodno, pobjegao u NJemačku.

Zejćirović je posljednji kontakt s roditeljima imao 17. novembra, od kada mu se izgubio svaki trag. Sve do srijede brat Kenan i njegovi roditelji vjerovali su da je živ, ali su dobili obavještenje da je ubijen i bačen u Savu.

Počinioci ubistva snimali su mobilnim telefonom posljednje trenutke života svoje žrtve. Na snimku, koji se pojavio u medijima, prikazano je fizičko i verbalno maltretiranje mladića.

Gradonačelnik Brčkog Siniša Milić pohvalio je juče dobro rukovođenje i angažman pripadnika brčanske Policije na otkrivanju i privođenju osumnjičenih za brutalno ubistvo Edina Zejćirovića iz Čelića.

Milić je rekao Srni da su detalji mučenja i ubistva Zejćirovića, koji su kroz video materijal dospjeli u javnost, uznemirili ne samo građane **Brčkog**, već sve u BiH, pa i šire.

Ženski razgovori“ u Brčkom



U organizaciji sarajevske Fondacije CURE, u saradnji sa zaštitnicom ženskih prava Anom Kotur iz Brčkog u sklopu projekta “Feminist policy advocacy in BiH” u Brčkom se održava Zalagački forum pod nazivom “Ženski razgovori“. Kotur koja je i moderatorica foruma je istakla da je BiH u novembru dobila preporuke Komiteta koji se bavi eliminacijom diskriminacije nad ženama, i tim povodom su se željele pomoći zalagačke aktivnosti u lokalnim zajednicama.

„Jako je važno da razumijemo da položaj žena potiče iz lokalne zajednice i da se zapravo tu i mjenja. Ključno je da razgovaramo sa našim partnerima o toj problematici Cilj „Ženskih razgovora“ je da pokrenu dijalog u lokalnim zajednicama i da animiramo zaštitnice ženskih prava da se aktivnije uključe u reformske procese“, kazala je Kotur.

Jedna od učesnica foruma je bila i Lidiya Ljubojević, zastupnica u Skupštini BDBIH, koja je o ravnopravnosti žena u Distriktu naglasila da bi se tu moglo biti i uspješniji.

„Ali svakako da se trudimo i moje prisustvo u politici jeste bio jedan od interesovanja da zajedno sa ostalima poboljšamo status žene u našoj lokalnoj zajednici, prevashodno da zaštitimo žene od nasilja“, dodala je Ljubojević.

Predsjednik Udruženja „Beba više“ Željko Lazarević, istakao je da im je želja da promjene svijest kada je riječ o problemu steriliteta koji se tradicionalno nepravredno vezuje za ženu

„Sve ono što radi ovo udruženje jeste upravo ta podrška ženama. Kadas epriča o problemu steriliteta žene su te koje nose najveći teret. Ne mislim samo na očekivanja sredina, već i na taj medicinski momenat kroz koji prolaze. Zato smatram da mi muškarci možemo bar nekim aktivizmom da učinimo neke sistematske promjene koje bi svakako olakšale život ženama“, rekao je Lazarević.



Brčko: Pohvale policiji zbog brzog pronalaska osumnjičenih za ubistvo



Gradonačelnik Brčkog Siniša Milić pohvalio je dobro rukovođenje i angažman pripadnika brčanske Policije na otkrivanju i privođenju osumnjičenih za brutalno ubistvo Edina Zejčirovića iz Čelića.

Milić je rekao da su detalji mučenja i ubistva Zejčirovića, koji su kroz video materijal dospjeli u javnost, uznemirili ne samo građane **Brčkog**, već sve u BiH, pa i šire.

“Zamislite šta bi se desilo da su jezivi detalji mučenja i ubistva ovog mladića dospjeli u javnost, a da su osumnjičeni za to krivično djelo ostali nepoznati ili van domašaja policijskih organa”, rekao je Milić.

On je dodao da Policija distrikta **Brčko**, uzimajući u obzir njenu važnost, ali i postignute rezultate, zaslužuje svaku vrstu podrške institucija vlasti i građana.

Srna nezvanično saznaje da se danas nastavlja uviđaj na lokaciji u naselju Vučilovac, gdje je juče iz rijeke Save izvučeno tijelo mladića za koje se pretpostavlja da je nestali Edin Zejčirović.

Osnovni sud u **Brčkom**, na prijedlog Tužilaštva distrikta, odredio je jednomjesečni pritvor trojici osumnjičenih da su 17. novembra u ovom gradu oteli, a potom na svirep način ubili Edina Zejčirovića iz Čelića.

Šef Operativno-komunikacijskog centra brčanske policije Halid Emkić rekao je da policija ne može bilo šta komentarisati o ovom slučaju dok se ne okonča istraga.



Klanjana dženaza zujerski ubijenom Edinu

Potreseni građani traže da se ubice najstrožije kazne

Tuga, bol, nevjerica... Ispred porodične kuće Edina Zejčirovića u Ratkovićima kod Čelića slijevale su se rijeke ljudi koji su došli odati počast i proučiti Fatihu svirepo ubijenom mladiću.

Iz svih dijelova **Brčko** Distrikta, općine Čelić i drugih krajeva dolazili su građani koji su danima u šoku zbog načina na koji je ubijen Edin. Monstrumi, kako nazivaju osumnjičene, na sadistički način su ubili Edina i sve to zabilježili svojim mobitelima.

- U ovim trenucima riječi su suvišne. Bio sam kod njegove porodice. Ne bih nikom poželio da se ponovi takvo šta – kaže nam Nedim B.

U Ratkoviće su stigli i ronioci kluba „Nemo“ iz **Brčkog**, koji su ga danima tražili u rijeci Savi i okolici. Odali su počast mladiću i mnogi drugi, a iza Edina su ostali maloljetna kćerka, braća Kenan, Armin i Almir, roditelji Enver i Sena-

da, djed Mehdim, nane Ševala i Dulzada...

Osumnjičeni za gnusno ubistvo su Suan Halilović (40), Nihad Hukić (26), Suvad Djedović (22) i Samid Šabanović, koji je nakon bijega uhapšen jučer.

Gradani Čelića i **Brčko** Distrikta okupili su se oko Facebook grupe „Pravda za

Edina“. Nakon onog što su vidjeli na snimku, traže maksimalnu kaznu za monstrume, a ako postoji mogućnost, tražit će i izmjenu krivičnog zakona kako bi sudovi za ovakve monstrume, pedofile, silovatelje... mogli izreći kazne doživotnog zatvora.

- Ono što se moglo vid-

jeti na snimku nije zabilježeno u ratu. Pa šta im je taj momak uradio da mu čupaju prste, nokte... Da... Ma ne mogu da govorim. Ne mogu spavati nakon svega što sam vidio – kaže Brčak N. M. **E. Sk.**



Rijeka ljudi na dženazi mučki ubijenom mladiću



Riječ stručnjaka: U BiH najveću stopu poreskog klina ima entitet FBiH

Posljednjih mjeseci u BiH se ponovo govori o reformi poreskog sistema. Ovim povodom razgovarali smo s ekonomskim stručnjakom Izudinom Kešetovićem koji nam je rekao da najveću stopu poreskog klina u Bosni i Hercegovini ima entitet FBiH.

Posljednjih mjeseci u BiH se ponovo govori o reformi poreskog sistema. Ovim povodom razgovarali smo s ekonomskim stručnjakom Izudinom Kešetovićem koji nam je rekao da najveću stopu poreskog klina u Bosni i Hercegovini ima entitet FBiH.

Poreski klin, o kojem govori Kešetović, označava onjor ukupnih poreza na dohodak od rada i ukupnog troška rada. Ekonomski stručnjak rekao nam je da je ključno pitanje svake reforme poreskog sistema optimalizacija poreske strukture. Kako kaže, optimalizacija poreske strukture podrazumijeva dostupnost informacija koje su potrebne kako bi država pojedine subjekte (fizičke i pravne osobe) dovela u bolji položaj, a da drugog ne dovodi u gori.

"U ekonomskoj teoriji to su tzv. Pareto-efikasne poreske strukture. Pristup problemu koji se javlja u praksi podrazumijeva izbjegavanje zablude koje se ogledaju u shvatanju da je to 'jednostavno' ili 'komplikovano'. Modeli koji se zagovaraju počivaju na principima preraspodjele dohotka tako da se istovremeno dobije pravedniji i efikasniji poreski sistem", kazao je Kešetović.

On je rekao da bi se u kontekstu poreskog sistema izmjene odnosile na opću poresku stopu u sistemu poreza na promet proizvoda i usluga u sistemu obračuna poreza na dodatnu vrijednost (PDV) i doprinosa na dohodak.

"Povećanjem stope PDV-a na maksimalnih 25 posto ne bi došlo do distorzije efekata poreza, odnosno odluke pojedinca da više ili manje troši, jer se radi o relativno visokoj tražnji", rekao je Kešetović.

On ističe da bi se promjene u sistemu doprinosa trebale ogledati u ukidanju doprinosa za zdravstvo i ukidanju doprinosa za nezaposlene.

"Efekt regresivnosti poreza usljed povećanja opće poreske stope može se ispraviti kroz povećanje ličnih dohodaka usljed smanjenja stopa doprinosa i povećanja ličnog odbitka kod poreza na dohodak i njegovo vezivanje za prosječnu platu iz prethodnog perioda sa sadašnjih 300 KM na 70 posto prosječnog dohotka uz zadržavanje postojećih poreskih olakšica i prinjenu proporcionalne stope od 10 posto za dohotke koji su do tri puta veći od prosječne bruto plate, 15 posto za dohotke koji su veći za četiri puta od prosječne plate i 20 posto za dohotke koji su veći za 5 i više puta od prosječne plate", smatra Kešetović.

On je istakao da bi stopa oporezivanja rada u BiH bila najstimulativnija s izrazito niskim poreznim klinom (prosječni porezni

klin zemalja DES-a 35,9 posto).

"Najviši nivo poreznog klina u BiH ima FBiH i on iznosi 41,28 posto, dok najniži nivo poreznog klina ima RS u kojoj on iznosi 37,87 posto. Nivo poreznog klina Brčko distrikta je 37,95 posto. Nivo efektivne stope obaveznih doprinosa FBiH iznosi 37,56 posto, RS je 33 posto, a Brčko distrikta je 34,44 posto. Stopa obaveznih doprinosa u administrativnim jedinicama BiH je znatno viša od prosjeka OECD-a.

Najniža efektivna stopa obaveznih doprinosa u administrativnim jedinicama BiH je u RS-u i iznosi 33 posto, dok je prosječna efektivna stopa obaveznih doprinosa u zemljama OECD-a 22,5 posto. Stvarno opterećenje troškova radne snage porezom na dohodak u administrativnim jedinicama BiH je vrlo nisko u odnosu na referentni prosjek zemalja OECD-a od 13,5 posto", rekao je Kešetović.

On smatra da bi se očekivani rezultati poreske reforme i optimalizacije poreske strukture ogledali u tome da bi se ukidanjem doprinosa za zdravstveno osiguranje prešlo na Beveridžov model finansiranja zdravstva iz poreza.

Prijedlog se zasniva na zbornoj stopi na neto plaće od 36,06 posto, tj. sa stopom na bruto plate od 23 posto i zadržavanje doprinosa na dohodak uz povećanje ličnog odbitka na iznos 70 posto prosječne plate i uvođenje progresivnih stopa od 10, 15 i 20 posto.

Očekivani rezultati poreske reforme bile bi i nove investicije i zapošljavanja, rast javnih prihoda kroz povećanje zaposlenosti, održivost sistema penzionog osiguranja penzija i rast penzija, rast zdravstvene potrošnje per capita, rast primanja građana, povećanje lične, investicione i opće potrošnje te u konačnici smanjenje sive ekonomije.



U Odžaku uhapšen državljanin Holandije zbog trgovine drogom

Po nalogu Tužilaštva BiH i Suda BiH, policijski djelatnici SIPA i MUP-a RS u zajedničkim timovima, vrše pretrese na nekoliko lokacija na području **Brčkog** i Odžaka.

Po nalogu Tužilaštva BiH i Suda BiH, policijski djelatnici SIPA i MUP-a RS u zajedničkim timovima, vrše pretrese na nekoliko lokacija na području **Brčkog** i Odžaka.

Nakon višemjesečne istrage i saradnje Tužilaštva BiH i policijskih agencija, sa tužilaštvom i policijom iz Kraljevine Holandije, u ranim jutarnjim satima pokrenuta je koordinirana akcija po nalogu tužitelja iz Posebnog odjela za organizirani kriminal, privredni kriminal i korupciju u kojoj policijski službenici SIPA-e zajedno sa policajcima MUP-a RS, vrše pretrese objekata na ukupno 5 lokacija.

Izvršeno je lociranje i identifikiranje i stavljanje pod kontrolu jednog osumnjičenog, državljanina Holandije, koji boravi na području Odžaka.

U isto vrijeme, na području Holandije u toku su pretresi na 15 lokacija.

Akcija je rezultat dugotrajne koordinirane suradnje tužilaštava i policije dvaju zemalja, a u borbi protiv osoba osumnjičenih za organizirano međunarodno krijumčarenje veće količine opojnih droga.

Također, po nalogu Tužilaštva BiH i uz naredbu Suda BiH, izvršena je blokada računa i finansijskih sredstava jedne osobe u BiH, a koja se dovodi u vezu sa počinjenjem ovih kaznenih djela.



BIMAL kupio fabriku jestivog ulja NOVO SUNCE u Somboru

BIMAL Grupa je uspješno završila postupak preuzimanja tradicionalne somborske fabrike za proizvodnju jestivog ulja *NOVO SUNCE* i time zvanično postala većinski vlasnik.


„Cilj naše akvizicije je ukрупnjavanje i jačanje

industrije ulja u regiji Zapadnog Balkana. Naša namjera je da kompaniju *BIMAL SUNCE* dovedemo na najviši tehničko-tehnološki nivo proizvodnje, koji posjedujemo u fabrici za proizvodnju jestivog ulja *BIMAL* u **Brčkom**“, re-

kao je predsjednik *Uprave STUDEN Grupe* i generalni direktor kompanije *BIMAL* Ilija Studen. Prvi koraci poslije preuzimanja fabrike su rekonstrukcija pogona, podizanje proizvodnih kapaciteta, te optimizacija troškova. Fabrika *NOVO SUNCE* trenutno prerađuje suncokretovo i sojino sjeme, dok se u brčanskoj fabrici *BIMAL* prerađuju sve tri uljarice, suncokret, soja i uljana repica. *BIMAL Grupa* će proizvodnjom u dvije fabrike, u **Brčkom** i u Somboru, godišnje plasirati više od 250.000 tona poluproizvoda i gotovih proizvoda na domaća tržišta, kao i na svoja tradicionalna izvozna tržišta Turske i Bliskog istoka. **B**



Cilj ukрупnjavanje i jačanje industrije ulja u regiji Zapadnog Balkana, kazao je Studen



ZAKON O NOTARIMA POSVAĐAO NOTARE I ADVOKATE

Izmjene Zakona o notarima i drugih zakona koje se tiče notarske djelatnosti, izazvale su različita mišljenja i reakcije advokata, notara, ali i poslanika i delegata u Parlamentu FBiH

Piše Mirela Haskić-Sušić

Parlament Federacije BiH je 2002. godine usvojio *Zakon o notarima FBiH* kao jedan u nizu zakona koji su u procesu reforme pravosuđa imali za cilj poboljšati pravnu sigurnost i efikasnost sudova u ovoj oblasti. *Zakonom* su, između ostalog, propisani pravni poslovi za koje je obavezna notarska obrada isprava. Najzastupljeniji u praksi su pravni poslovi čiji je predmet prenos ili sticanje vlasništva ili drugih stvarnih prava na nekretninama i osnivačka akta privrednih

društava. To znači da prilikom sačinjavanja ugovora o prenosu vlasništva, građani su se morali obratiti isključivo notarima da bi njihov pravni posao bio valjan. Još 2015. godi-

ne odredba člana 73. *Zakona o notarima FBiH*, kojom je bila propisana notarska obrada isprava za pojedine pravne poslove osporena je pred *Ustavnim sudom FBiH*. Nakon toga,

potpredsjednik Federacije BiH Milan Dunović je 2016. godine pokrenuo postupak za ocjenu ustavnosti odredbi *zakona o registraciji poslovnih subjekata, o stvarnim pravima, o zemljišnim knjigama, o nasljeđivanju i Porodičnog zakona*, koje se naslanjaju na član 73. *Zakona o notarima FBiH*, da bi u presudi od 16. marta ove godine *Ustavni sud FBiH* proglasio neustavnim odredbe ovih zakona. Također, ostavljen je rok od šest mjeseci *Parlamentu Federacije Bosne i Hercego-*

**OVJERA POTPISA BEZ PREVENTIVNE KONTROLE
SADRŽAJA UGOVORA OD STRANE NOTARA
I NJEGOVE USKLADENOSTI SA VOLJOM
STRANAKA I PRAVNIM PORETKOM MOŽE
PROIZVESTI VEOMA TEŠKE POSLJEDICE PO
GRAĐANE I POSLOVNE SUBJEKTE, A I PO SAME
JAVNE INTERESE DRŽAVE**

Usvojenim amandmanima u Predstavničkom domu FBiH uloga notara je svedena na ovjeru potpisa

Ovjera potpisa, bez ikakve sadržajne kontrole će izazvati pravnu nesigurnost u FBiH

vineda uskladi odredbe zakona koje su utvrđene kao neustavne sa *Ustavom FBiH*, do kada se iste mogu primjenjivati.

BURNE REAKCIJE NOTARA


Vlada FBiH je uputila po hitnom postupku izmjene *Zakona o notarima FBiH* i drugih osporenih zakona u parlamentarnu proceduru. Na sjednici *Predstavničkog doma Parlamenta FBiH* održanoj 29. oktobra usvojen je predloženi set zakona koji se vežu za presudu *Ustavnog suda FBiH*, a tiču se notarske djelatnosti, da bi na sjednici *Doma naroda Parlamenta FBiH* održanoj 14. novembra na zahtjev klubova Bošnjaka i Hrvata predložene izmjene *Zakona o notarima FBiH* bile vraćene u redovnu proceduru. Naime, prijedlog *Vlade* sadržavao je pojam solemnizacije koji se kao postupak uvodi u predložene izmjene i dopune *Zakona o notarima FBiH* i koji nalaže da građani, iako dobijaju izbor da njihov pravni akt (ugovor, rješenje i sl.) obradi advokat ili drugi stručnjak odgovarajuće pravne kvalifikacije, što mogu biti i oni sami, ipak moraju otići i kod notara da bi on potvrdio zakonsku ispravnost sačinjenog rješenja. Usvojenim amandmanima u *Predstavničkom domu FBiH* uloga notara je svedena na ovjeru potpisa. Zbog ovoga, usvajanje izmjena *Zakona u Predstavničkom domu FBiH* izazvalo je burne reakcije notara. „Te amandmanske izmjene

Zakona, sušta su suprotnost prvobitnog prijedloga *Vlade Federacije BiH* i ne nude ni minimum pravne sigurnosti po građane i cijeli pravni sistem, a neće dovesti ni do jeftinijih usluga. Ovjera potpisa na ugovorima u potpunosti isključuje notara iz po-

upravo je sadržaj ugovora ono što proizvodi pravne posljedice u pravnom prometu. Ovjera potpisa bez preventivne kontrole sadržaja ugovora od strane notara i njegove usklađenosti sa voljom stranaka i pravnim poretком, može proizvesti veoma teške poslje-

nekretnina i drugih javnih prihoda te borba protiv pranja novca i finansiranja terorizma. Ako izostane preventivna pravna kontrola prilikom samog zaključenja ugovora, kasnija sudska kontrola ne utiče na nastanak eventualnih štetnih posljedica po građane i državu jer one nastaju u ranijoj fazi“, za *Business Magazine* kaže Sefedin Suljević, predsjednik *Upravnog odbora Notarske komore FBiH*.

Suljević dodaje da je *Dom naroda* prepoznao opasnosti izmjena *Zakona* i seta drugih zakona koje su amandmanski usvojene u *Predstavničkom domu FBiH* i vratio ih u redovnu proceduru kako bi se sagledali svi aspekti, a naročito kako bi se iznašla rješenja koja će zadovoljiti presude *Ustavnog suda FBiH* i istovremeno očuvati dostignuti stepen pravne sigurnosti u veoma važnim oblastima građanskog prava. Naglašava da su *Federalno ministarstvo pravde* i *Vlada FBiH* prvobitno predložili kvalitetno kompromisno rješenje na koje je grupa poslanika amandmanski djelovala te je *Predstavnički dom* prihvatio amandmane bez ikakve stručne analize i rasprave. „Prvobitno je *Vlada Federacije BiH* predložila da notar potvrđuje sadržinu privatnih isprava koje mu stranke dostave, tzv. solemnizacija, čime se daje mogućnost strankama da sačine privatnu ispravu, dok se istovremeno predviđa kontrola njene zakonitosti od strane notara. To je bilo prihvatljivo rješenje kojim se implementi-



Prijedlogom koji predviđa ovjeru potpisa, reformski procesi se vraćaju unazad, kaže Suljević

FEDERALNO MINISTARSTVO PRAVDE I VLADA FBiH PRVOBITNO SU PREDLOŽILI KVALITETNO KOMPROMISNO RJEŠENJE NA KOJE JE GRUPA POSLANIKA AMANDMANSKI DJELOVALA TE JE PREDSTAVNIČKI DOM PRIHVATIO AMANDMANE BEZ IKAKVE STRUČNE ANALIZE I RASPRAVE

stupka preventivne pravne kontrole sadržaja ugovora. Općepoznata je činjenica da je ovjera potpisa najslabija moguća forma pravnih poslova, jer se njome samo garantira da je neko lice potpisalo ispravu, dok se ne kontrolira i ne potvrđuje sadržaj ugovora, a

dice po građane i poslovne subjekte, a i po same javne interese države, kao što su: pravna sigurnost u pravnom prometu, jedinstvo pravnog prostora u BiH, rasterećenje sudova, tačnost i ažurnost javnih registara nekretnina i dr., priklupljanje porez na promet

raju presude *Ustavnog suda FBiH*, a istovremeno se zadržava određeni nivo pravne sigurnosti i štite interesi stranaka i pravnog prometa“.

U praksi se razlika između solemnizirane isprave i notarski obrađene ispra-

ve svodi na činjenicu da notarski obrađena isprava predstavlja ispravu sastavljenu od strane notara, dok se kod solemnizacije, radi o privatnoj ispravi koju su sastavile same stranke, advokati ili netko treći, a notar je pregledao njezin sadržaj

Zastupnici ne smatraju solemnizaciju idealnim rješenjem

Iako, notari tvrde da je solemnizacija koju je predložila *Vlada FBiH* kompromisno rješenje kojim se implementiraju presude *Ustavnog suda FBiH* i istovremeno štiti pravna sigurnost, zastupnici u *Predstavničkom domu Parlamenta FBiH* nisu bili saglasni s ovakvim rješenjem.

Zastupnik *Kluba SDA* Miralem Galijašević mišljenja je da u ionako neriješenom sistemu navedena izmjena donosi „zbrku“ jer predviđa da „svi oni koji su sposobni mogu sačiniti ugovor koji treba da ide na ovjeru do notara“. Na taj način se, kako kaže, stranke dva puta moraju pojaviti pred notarom „ili da izaberu notara kao obrađivača ili da budu kod notara zbog ovjere“. Damir Čamdžić, zastupnik *Naše stranke* u *Predstavničkom domu*, koja je bila protiv prijedloga *Vlade FBiH*, smatra da je on predstavljao „izrugivanje“ odluci *Ustavnog suda Federacije BiH*, jer su, dodaje, izmjene bile samo kozmetičke, a ne u duhu promjena.

„Mi smo željeli da ovim zakonom građani plaćaju 40 KM, a ne 600 KM ili 700 KM za ovjeru ugovora. Notari su povlaštena profesija, njih ima 110 u FBiH, mada, prema našim saznanjima i istraživanjima, za ovu temu posla ima za oko 350 notara. Međutim, 10 godina *Zakon o notarima* nije imao niti jednu izmjenu i mi smo ovim željeli otovoriti taj proces. Ipak, izgleda da je taj lobi izuzetno jak i da je to na *Domu naroda* presve vraćeno u proceduru“, kazao je Čamdžić. Istog mišljenja je i predsjednik *Advokatske komore FBiH*, Nikica Gržić koji kaže da se na ovaj način ne bi isključio ekskluzivitet notara. „To bi značilo da se građani opet moraju obratiti notarima da solemnizira ispravu, da je notar pregleda i da građanin to plati. Na taj način građani i pravni subjekti plaćaju dvostruki trošak i ja se nadam da će zastupnici prepoznati interes građana i usvojiti zakon prema kojem notari neće imati ekskluzivitet kod sačinjavanja isprava“, dodaje Gržić.

i formu, te je potom potvrdio. Solemnizirana privatna isprava ima svojstvo javne isprave. U postupku solemnizacije, notar ispituje odgovara li isprava propisanoj formi notarske isprave i propisanom sadržaju notarske isprave, te ako isprava udovoljava navedenim zahtjevima, potvrđuje privatnu ispravu. Osim toga, dužan je strankama objasniti smisao i posljedice pravnog posla koji zaključuju. Tako potvrđena (solemnizirana) isprava ima snagu notarske isprave. Notarski obrađena isprava je najstrožija forma pravnog posla, nakon toga to je solemnizacija (notarska potvrda), dok je

ovjera potpisa najslabija forma, dodaje Suljević. Ukoliko ove izmjene u narednom periodu budu usvojene u oba doma *Parlamenta FBiH*, to će prema riječima Suljevića prouzrokovati mnogo negativnih efekata. Naime, za čitav niz važnih pravnih poslova, potpuno su minimizirani zahtjevi forme; ovjera potpisa, bez ikakve sadržajne kontrole će iza-zvati pravnu nesigurnost u FBiH. Time će BiH postati jedina zemlja u regiji u kojoj se, u jednom njenom dijelu – Federaciji BiH, za poslove s nekretninama ili za poslove nasljednog prava neće tražiti notarska obrada ili barem solemnizacija. U međunarodnom pravnom prometu, to će slabiti ugled BiH i eventualno dovesti do problema sa prihvaćanjem takvih isprava. Također, negativne posljedice će osjetiti pravni promet u RS i Brčko distrik-

ta BiH, jer će doći do unutarnjeg sukoba zakona, te do problema da se privatne isprave iz FBiH, na kojima je samo potpis ovjeren, prihvate od nadležnih organa vlasti u RS-u i Brčkom. Uvođenje notarske službe u pravni sistem BiH, odnosno FBiH je bilo koordinirano s reformama drugih oblasti privatnog prava. Te reforme su činile međusobno usklađen sistem, a nepažljiva izmjena ili otklanjanje jednog elementa može prouzrokovati domino efekt s nesagledivim posljedicama po cijeli pravni poredak FBiH, ali i BiH zbog urušavanja pravnog sistema u jednom njenom dijelu.

„Ugрозit će se pravna sigurnost. Zanemarena je i analiza finansijskih implikacija zakona, što bi trebalo biti obaveza u svakom ozbiljnom zakonodavnom postupku. U obrazloženju zakona je unesena formulacija da njegovo usvajanje neće imati posljedica na budžet, što je netačna konstatacija, a ozbiljan zakonodavac ne može sebi dozvoliti da svjesno obmanjuje birače i javnost. Ovjerom potpisa na ugovoru o prometu nekretnina i druge pravne poslove, opet će doći do pojave nadripisarstva i rada „nacrno“ u pogledu sastavljanja ugovora, pa će time doći do značajnog smanjenja javnih prihoda države koje je ona dosad ostvarivala od notarske djelatnosti (PDV; porez na dohodak, doprinosi itd.). Ovjerom potpisa na ugovorima, odnosno eliminiranjem notara iz samog postupka sačinjavanja ugo-



Pravna sigurnost neće biti ugrožena, naglašava Gržić

vora, izostat će i kontrola poreznih davanja i drugih davanja u vezi prometa nekretnina. Izostat će i aktivnosti u vezi sprečavanja pranja novca i finansiranja terorizma itd“, objašnjava Suljević.

S druge strane, Nikica Gržić, predsjednik *Advokatske komore FBiH* smatra da će ovim izmjenama građani imati velike koristi, te da ovakvo rješenje neće dovesti do pravne nesigurnosti.

NEĆE DOĆI DO SMANJENJA TROŠKOVA

„Notari su nakon presude *Ustavnog suda FBiH* u medijima optužili *Advokatsku komoru FBiH* da ona stoji iza toga što nije tačno, jer *Advokatska komora FBiH* nije predlagatelj kod *Ustavnog suda FBiH*, nego je sudjelovala kao zainteresirana strana kod donošenja odluka odnosno u javnim sjednicama. Što se tiče *Advokatske komore* imamo stav da se izmjene *Zakona o notarima* odnose na građane koji prema odredbama *osporenog Zakona* nisu imali pravo izbora, nego su upućeni isključivo



Građani od sada mogu sami sastavljati isprave ili se obratiti advokatima

na notare da sačinjavaju notarski obrađene isprave što nije u skladu ni sa evropskim pravom, niti je praksa u zemljama u okruženju i građani su ti, a ne *Advokatska komora* koji su bili oštećeni kod primjene *osporenog dijela zakona*. Da razjasnimo, nama notarijat treba da bi se rastežio rad sudija, ali ne u ovakvom obliku. Nema govora o narušavanju pravne sigurnosti, jer i prije *Zakona o notarima* postojao je zakon koji je još uvijek na snazi, a to je *Zakon o ovjeravanju potpisa, rukopisa i prepisa* kojim

je propisano da općine ili sudovi ovjeravaju potpise ugovarača, te prema tome postoji ovlašten organ koji ovjerava potpise na ispravama, a stvar je građanina i njegovog izbora da li će se kod sačinjavanja isprave obratiti notarima, koji još uvijek imaju ovlaštenje da i dalje sačinjavaju isprave, ali ne ekskluzivno samo oni, ili će se obratiti advokatu ili će sam sačiniti ispravu i preuzeti rizik da li je ta isprava pogodna za uknjižbu ili bilo koji drugi pravni posao. To je izbor građanina“, za *Business Magazine* kaže Nikica Gr-

žić, predsjednik *Advokatske komore FBiH*.

Na pitanje šta građani i pravna lica trebaju raditi sada u periodu do usvajanja izmjena ovog seta zakona različita su mišljenja *Advokatske komore FBiH* i *Notarske komore FBiH*. Stav *Notarske komore FBiH* je da do izmjena *Zakona o notarima* i drugih zakona u vezi sa formom pravnih poslova, notarski obrađena isprava, koja je najviša moguća forma navedenih pravnih poslova, a koja nije objavljena neustavnom, jedina moguća forma pravnih poslova koji su osnov za upis u zemljišnu knjigu vlasništva i drugih stvarnih prava na nekretninama. „Presude *Ustavnog suda FBiH* se ne mogu direktno primjenjivati, već je potrebno da zakonodavac izvrši izmjenu odgovarajućih zakona koji se, do tih izmjena, nastavljaju primjenjivati. To ne mogu biti ugovori (isprave) na kojima su ovjereni potpisi. Niti sudovi niti notari nisu nadležni da ovjeravaju potpise na ugovorima koji su osnov za upis prijenosa ili stjecanja vlasništva i

Negativne posljedice će osjetiti pravni promet u RS i BD BiH, jer će doći do unutarnjeg sukoba zakona

drugih stvarnih prava na nekretninama. Ta forma ne postoji u pozitivnom zakonodavstvu Federacije BiH, pa bi ovjeravanje potpisa na naznačenim ugovorima bilo protivno zakonu, a takve isprave bi bile ništavne. Naime, *Zakon o stvarnim pravima* je stavio izvan snage cijeli *Zakon o prometu nepokretnosti* koji je propisivao formu ugovora o prometu nepokretnosti (ovjera potpisa od strane suda) pa shodno tome, sudovi ne mogu vršiti ovjeru potpisa na ugovorima o prometu nepokretnosti“, ističe Suljević. Gržić, tvrdi da građani sada mogu sami sastavljati isprave te da kada su u pitanju pojedini zakoni koji su *lex specialis* i koji zahtijevaju ovjeru potpisa na ispravi, tu ovjeru mogu vršiti općine, sudovi ili notari.

„Saznao sam da notari odbijaju, što je potpuno nezakonito, ovjeravati potpise na ispravama koje neko drugi sastavio i pokrenut ćemo postupak kod nadležnih organa i ukazati na te pojave, odnosno, odbijanje notara da ovjere potpise na ispravama koje je neko drugi sačinio“, kaže Gržić. Stav *Notarske komore FBiH* je da će izmjene ovih zakona na osnovu amandmana *Predstavničkog doma Parlamenta FBiH* imati negativne posljedice i na poslovanje kompanija i priliv investicija.

„Izmjene predmetnih zakona na način kako je to, na osnovu amandmana, usvojio *Predstavnički dom Parlamenta FBiH* svaka-ko bi mogle ugroziti prav-

nu sigurnost u veoma važnim oblastima građanskog prava, a naročito u oblasti prometa nekretnina te registracije poslovnih subjekata. Pravna sigurnost u tim oblastima je preduslov za povoljan poslovni ambijent. Naznačenim prijedlogom koji predviđa ovjeru potpisa, reformski procesi se vraćaju unazad i to bi sigurno moglo negativno uticati na poslovanje kompanija i priliv stranih investicija u Federaciji BiH“, ističe Suljević.

Ako izostane preventivna pravna kontrola prilikom samog zaključenja ugovora, kasnija sudska kontrola ne utiče na nastanak eventualnih štetnih posljedica

viti ugovor idu kod notara i bit će tako i dalje. Advokati do sada nisu sačinjavali ugovore i uzimali njihov posao mada je u *Zakonu o advokaturi* navedeno da su advokati ovlašteni sačinjavati ugovore. Međutim pretežan posao advokata je zastupanje na sudu. Također, notari po *Zakonu o nasljeđivanju* umjesto suda vode ostavinske postupke i imate situacije da dok su ostavinske rasprave bile kod suda prvi nasljedni red je bio

značajnim i složenim ugovorima, koje bi većini građana morao neko sačinjavati po nepoznatim cijenama i bez ikakve sigurnosti i garancije za sadržaj ugovora, kao i u vezi toga da li će ugovor proizvesti željena dejstva. To dalje znači vođenje skupih parnica i nastupanje znatnih troškova i šteta. Svjedoci smo takvog stanja u vidu raznih afera s nekretninama prije početka rada notara. Notarske tarife ne treba mijenjati sa formom pravnih



Dom naroda izmjene Zakona vratio u redovnu proceduru

Gržić smatra da je to samo populacijska izjava notara da bi sačuvali svoj položaj, jer prema njegovom mišljenju izmjene seta zakona neće se odraziti na priliv investicija i investitore, te da ono što će biti pozitivno jeste da će doći do pojeftinjenja usluga. Ističe da notarima nije ukinuto pravo da sačinjavaju isprave te da notarska djelatnost neće biti ugrožena. „Kod građana je već ukori- jenjeno da kad trebaju prav-

oslobođen od plaćanja sudske takse, a kod notara moraju platiti, ali to je njihovo pravo, država je prenijela na njih, rasteretila sudove i niko nije protiv toga“, dodaje Gržić. Notari poručuju da ipak neće doći do smanjenja troškova građana. „Ovjeravanjem potpisa na ugovorima, ne bi došlo do smanjenja troškova građana, već bi ti troškovi bili i direktno i indirektno veći. Naime, radi se o veoma

poslova i ciljevima zakonodavca, one nisu određene zakonom, već ih donosi federalni ministar pravde te se bez izmjene zakona uvijek mogu po potrebi i usklađivati. Notarske tarife su javno objavljene u službenim novinama i unaprijed su određene te se time štite potrošači – korisnici usluga notarske službe kao javne službe. U svakom slučaju su notarske tarife manje od advokatskih“, naglašava Suljević. **B**



Ubice u pritvoru

Telefonima snimali kako muče i ubijaju mladića



OSNOVNI SUD **BRČKO** distrikta odredio je pritvor Suanu Haliloviću, Suvalu Djedoviću i Nihadu Hukiću, koji su uhapšeni pod sumnjom da su 17. novembra ove godine u **Brčkom** oteli, svirepo mučili i na kraju usmrtili Edina Zejčirovića iz Čelića.

Iz reke Save u blizini crpne stanice u mestu Vučilovac kod **Brčkog** u subotu je izvučeno telo za koje se pretpostavlja da se radi o ubijenom.

Ono što najviše šokira u celom ovom slučaju je da su počinio ovog gnusnog dela poslednje trenutke života svoje žrtve snimali mobitelom! Na snimku se prikazuje sadiističko izivljavanje, fizičko i verbalno zlostavljanje mladića.

Motivi ovog zločina još su nepoznati, a na objavljenom snimku se čuje kako ga jedan od ubica pita: „Ho'š kod žene moje, ha? Ho'š kod moje žene? Javio se ti njoj da vidiš treba li joj šta"... što ukazuje na mogući motiv, odnosno da bi se moglo raditi o ljubomori jednog od počinilaca. **G. O. ■**



Брчко

Долијао осумњичени за убиство



БРЧКО - Полиција **Брчко** дистрикта ухапсила је Самида Шабановића који се налазио у

бјекству након убиства Едина Зеђировића (30) у **Брчком**.

Шабановић је осумњичен да је заједно са Суаном Халиловићем, Нихадом Хукићем и Сувадом Дједовићем отео Зеђировића којег су након мучења и убили у мјесту Вучиловцу код **Брчког**. Његов нестанак пријављен је 17. новембра. Тијело несрећног младића пронађено је у каналу ријеке Саве. Шабановић је јуче био на испитивању у полицији **Брчко** дистрикта.

J. С.



Da građani imaju više sluha od političara dokazuje mesar iz **Brčkog**, koji je došao u Tuzlu, te sa svojim kolegom dovezao meso i roštilj, a zatim su ispekli 300 hamburgera koje su besplatno podijelili migrantima. Migrantima su rekli da je "meso hala!" i da slobodno mogu jesti, a osim hamburgera, počastili su ih i pitkom vodom.



BRČKO - Grupa građana okupila se juče u brčanskom naselju Ilička tražeći od pravosuđa distrikta maksimalnu kaznu za ubice Edina Zejčirovića (30)

Jedan od organizatora skupa, Ha-

PROTEST U BRČKOM Traže maksimalnu kaznu za ubice

riz Redžić rekao je da mu je Zejčirović bio prijatelj i da želi da se pravda istjera na vidjelo, a da počinici ubistva budu najstrože kažnjeni.

Sa poligona na Ilički, gdje su se mirno okupili, građani su otišli na sahranu Zejčiroviću. Tijelo Zejčirovića pronađeno je na lokalitetu Vučilovac

2 0

dana nakon što je prijavljen njegov nestanak.

Trojica muškaraca osuđeni su za otmiču i svirepo ubistvo uhapšena su i njima je određen jednomjesečni pritvor. Pritvor je određen za Suana Halilovića (40), Nihada Hukića (26) i Suvada Djeđevića (22), dok se tragalo za Samir-om Šabanovićem, ali je i on, kako je juče objavljeno, uhapšen. Ubice su mobilnim telefonom snimale posljednje trenutke života svoje žrtve. (Srma)





Optužnicu Tužilaštva je potvrdio Osnovni sud **Brčko** distrikta

S nožem u ruci prijetio radnici marketa

Brčansko tužilaštvo optužilo je 23-godišnjeg Sašu Gmitrovića za krivično djelo razbojništvo

Brčansko tužilaštvo podiglo je optužnicu protiv Saše Gmitrovića (23) iz Travnika zbog sumnje da je početkom maja u **Brčkom**, uz prijetnje nožem, počinio razbojništvo u marketu trgovinskog lanca Željo.

Gmitrović se tereti da je 3. maja, u Ulici Marina Držića, radi sticanja imovinske koristi počinio razbojništvo nad radnicom trgovine Sunce, u sastavu marketa Željo, u brčanskom naselju Eš.

- On je oko 21 sat ušao unutra s maskom na licu i prijeteci nožem radnici Ž. A, od nje zahtijevao da mu preda novac. Usljed prijetnje i bojazni za vlastiti život, oštećena radnica predala mu je 400 KM, nakon čega se Gmitrović udaljio s lica mjesta, navodi se u optužnici.

Gmitrović je ubrzo otkriven i procesuiran za krivično djelo razbojništva s propisanom kaznom zatvora u trajanju od najmanje pet godina. Nakon provedene istrage, Tužilaštvo je podiglo optužnicu protiv njega i dostavilo je na daljnji postupak Osnovnom sudu **Brčko** distrikta BiH, gdje je u cijelosti potvrđena. Iz Tužilaštva podsjećaju i na nedavnu presudu koja je izrečena Samiru Neziroviću (21) iz **Brčkog**, a koji je osuđen za razbojništvo počinjeno na sličan način u kladionici Bet live u centru grada. On je kažnjen na 12 mjeseci zatvora jer je 22. juna, sat prije ponoći, iz kladionice oduzeo 340 KM, prethodno prijeteci radnici.

A. B. Č.



Zejčirović je jučer posljednji put ispraćen

Uhapšen i Šabanović

U Ratkovićima u općini Čelić jučer je klanjana dženaza i obavljen ukop 30-godišnjeg Edina Zejčirovića, mladića kojeg je grupa nasilnika iz Brčkog 17. novembra u tom gradu otela i na svirep način ubila, nakon čega su njegovo tijelo bacili u Savu. Iza ubijenog Edina ostali su roditelji, kćerka, trojica braće, djed i nane.

Samid Šabanović, četvrti osumnjičeni za brutalno ubistvo Edina Zejčirovića, uhapšen je jučer nakon višednevnog skrivanja od policije

(ranije su pritvoreni Suan Halilović, Suvad Djedović i Nihad Hukić, a Osnovni sud Brčko odredio im je jednomjesečni pritvor). Nakon kriminalističke obrade u službenim prostorijama brčanske policije Šabanović bi trebao biti predat u nadležnost Tužilaštva Brčko distrikta.

Tijelo Edina Zejčirovića pronađeno je u petak u poslijepodnevним satima u rijeci Savi u mjestu Vučilo-
vac koje se nalazi na području Brčko distrikta.



Konzumiramo proizvode koji sadrže genetski modificirane sastojke, a da toga nismo svjesni

U BiH jedemo jaja, meso, mlijeko... od životinja kojima je davana GMO hrana

Ljiljana Vidačak

Agencija za sigurnost hrane 2017. godine dopustila je da se za prehranu stoke u BiH uveze genetski modificirana soja. Obrazloženje je bila suša koja je pogodila regiju tijekom ljeta i nedostatak hrane za životinje, čime su izravno ugroženi proizvođači mesa, mlijeka i jaja. Zbog nedostatka konvencionalne soje te kako bi se nadoknadio manjak proteina u hrani za životinje u razdoblju od pet godina dopušteno uvoziti GM soju.

Nisu obilježeni

Što se tiče GM hrane za ljude, uvoz iste nije dopušten u BiH. Ono što je sporno u odluci Agencije je da, prema Zakonu o GMO koji je na snazi u BiH, nije obvezno označavati proizvode dobivene od životinja koje su hranjene GM hranom, odnosno nije nužno posebno označavati meso, mlijeko i jaja životinja tovljenih GM sojom. Sto znači da proizvode životinja hranjenih GM sojom već jedemo. Ovakvi proizvodi na tržištu BiH nisu konkretno obilježeni, što stvara konfuziju i dovodi potrošače u zabludu. I nisu samo proizvodi u

trgovinama sporni, sporni su i oni domaći. Malo je kućanstava koja za prehranu domaćih životinja imaju i koriste domaću hranu. Većina u prehrani koristi hranu kupljenju u trgovini i tu se pojavljuje problem. Životinje se hrane genetski modificiranom hranom.

U BiH je do sad izdano 36 rješenja kojima se odobrava stavljanje na tržište BiH genetski modificirane soje. Dakle, 36 tvrtki na bh. tržište stavlja hranu za životinje koja sadrži GMO soju, a proizvodi od tih životinja završavaju na našim trpezama.

Sve iste modifikacije

“Agencija za sigurnost hrane BiH je nakon dostavljanja zahtjeva i popratne dokumentacije, u skladu s pravilnikom o uvjetima i postupku izdavanja odobrenja za stavljanje genetski modificirane hrane i hrane za životinje prvi put na tržište BiH i zahtjevima koji se odnose na njihovu sljedivost i označavanje te pozitivnog mišljenja Vijeća za GMO, dosad izdala 36 rješenja kojima se odobrava stavljanje na tržište BiH genetski modificirane soje MON-Ø4Ø32-6, koja će

se koristiti isključivo kao hrana za životinje. Sva dosad izdana rješenja odnose se na istu modifikaciju”, kazao je za Faktor Džemil Hajrić, ravnatelj Agencije. Dodao je da je subjekt u poslovanju hranom, kojem je odobreno stavljanje na tržište BiH genetski modificirane soje MON-Ø4Ø32-6, koja će se koristiti isključivo kao hrana za životinje, dužan osigurati označavanje na zapakiranom proizvodu i da piše: “Ovaj proizvod sadrži genetski modificiranu soju (MON-Ø4Ø32-6)” te da se na nezapakirani proizvod ili neposredno uz proizvod ponuđen krajnjem potrošaču stavi oznaka: “Ovaj proizvod sadrži genetski modificiranu soju (MON-Ø4Ø32-6)”, kao i na prateću dokumentaciju (fakturu). “Za službene kontrole koje uključuju pravilno označavanje navedenih proizvoda, kao i za uzorkovanje i sljedivost proizvoda, u bilo kojoj fazi proizvodnje, obrade, skladištenja, distribucije i uvoza proizvoda koji sadrže ili mogu sadržavati GMO, nadležna su inspeksijska tijela BiH, entiteta i Distrikta Brčko BiH”, kazao je Hajrić. ●



2017.

**AGENCIJA ZA SIGURNOST
HRANE 2017. GODINE
DOPUSTILA JE DA SE
ZA PREHRANU STOKE
U BIH UVEZE GENETSKI
MODIFICIRANA SOJA**

36

**U BIH JE DO SAD IZDANO 36
RJEŠENJA KOJIMA SE ODOBRAVA
STAVLJANJE NA TRŽIŠTE BIH
GENETSKI MODIFICIRANE SOJE,
DAKLE 36 TVRTKI DILJEM BIH
PRODAJE OVAKVE PROIZVODE**

90%

**U PROVEDENOM
ISTRAŽIVANJU 90% ISPITANIH
BH. GRAĐANA KAZALO JE DA BI
ŽELJELI DA SU MESO, MLJEKO I
JAJA ŽIVOTINJA HRANJENIH
GM HRANOM OZNAČENI**



Stotine građana na posljednji počinak ispratile okrutno ubijenoga mladića

Uhićen i četvrti osumnjičeni za ubojstvo Edina Zejčirovića

Ljiljana Vidačak

Rijeke ljudi slijevale su se jučer već od jutarnjih sati pred obiteljsku kuću Edina Zejčirovića u Ratkovićima kod Čelića da bi izrazile sućut obitelji, odale počast i na posljednji počinak ispratile okrutno ubijenog tridesetogodišnjeg mladića. Iz svih dijelova Distrikta Brčko, općine Čelić i drugih krajeva, bez obzira na ime i prezime, dolazili su građani koji su danima u šoku i nevjerici zbog načina na koji je Edin ubijen.

Pravda za Edina

- U ovim trenucima riječi su suvišne. Bio sam kod njegove obitelji. Ne bih nikom poželio da doživi nešto ovakvo – kazao je za Avaz Nedim B. U Ratkovićima su na posljednji ispraćaj stigli i ronioci Kluba "Nemo" iz Brčkog, koji su ga danima tražili u rijeci Savi i okolini. Tužna povorka stotina građana krenula je nešto prije 12 sati ispred obiteljske kuće u Ratkovićima. Tek što je Edin pokopan, stigla je vijest da je uhićen i četvrti osumnjičeni za njegovo ubojstvo. Službenici policije uhitili su Samida Šabanovića, koji je bio u bijegu nakon monstruoznog ubojstva Edina Zejčirovića. Šabanović je bio u skupini zajedno sa Suanom Halilovićem, Nihadom Hukićem i Suviškom Djedovićem, koji su oteli Zejčirovića 17. studenog i, nakon mučenja i sadišćikog izjivljavanja, ubili ga na području Vučilovca. Šabanović je jučer odveden na kriminalističku obradu u policiji Distrikta Brčko BiH.

Prijatelj i poznanici Edina Zejčirovića iz Čelića okupili su se jučer ujutro u brčanskom naselju Ilička tražeći od pravosuđa Distrikta maksimalnu kaznu za njegove ubojice. Hariz Redžić, jedan od organizatora okupljanja, rekao je da od pravosuđa očekuju najstrožu kaznu počiniteljima ovog okrutnog ubojstva. – Edin je bio moj prijatelj. Šokiran sam, imam troje djece i stavljam sebe



Za ubojstvo Edina Zejčirovića (lijevo) osumnjičeni su Suan Halilović, Nihad Hukić, Suviška Djedović i jučer uhićeni Samid Šabanović (desno)

u taj i položaj njegovih roditelja. To što se dogodilo je katastrofa. Želimo da se počinitelji najstrože kazne i pratit ćemo proces suđenja – rekao je Redžić. On je s nekoliko prijatelja na Facebooku formirao grupu "Pravda za Edina" preko koje su pozvali građane na mirno okupljanje, nakon kojeg su zajedno otišli na pokop. – Snimka koja je objav-

EDIN JE POSLJEDNJI
KONTAKT S OBITELJI
IMAO 17. STUDENOG, A U
SRJEDU JE PRONAĐENO
NJE GOVO TJELO

ljena i koju imamo digla je ljude na noge. Onako nešto nije videno ni u ratu. Pa što im je uradio da mu kidaju nokte, da uriniraju po njemu. Zbog toga, Brčaci, ma kako se zvali, izaći ćemo na ulice i tražiti da se monstrumi maksimalno kazne. Tražit ćemo da se uvede kazna doživotnog zatvora za takve monstume, pedofile, silovatelje – rekao je jedan od osnivača Facebook grupe "Pravda za Edina", prenosi eBrčko.

Odreden pritvor

Osnovni sud u Brčkom u petak je odredio jednomjesečni pritvor trojici muškaraca koja se sumnjiče da su likvidirala mladića Edina Zejčirovića iz brčanskog naselja Čelić. Riječ je o Nihadu Hukiću (26), Suanu Haliloviću (40) i Suadu Djedoviću (22), koji su uhićeni u srijedu istog dana kad je pronađeno tijelo nesretnog mladića za kojim se tragalo 20 dana. Podsjetimo, Zejčirović je posljednji kontakt s roditeljima imao 17. studenog, otkad mu se gubi svaki trag. Sve do srijede brat Kenan i njegovi roditelji vjerovali su da je živ, ali su obaviješteni da je ubijen i bačen u Savu.